

## Universitätsbibliothek Paderborn

### **Homiliae Catholicae De Sacris Arcanis Deiparæ Mariæ Et Iosephi**

Cum quadruplici Indice

**Cartagena, Juan de  
Coloniae Agrippinae, 1613**

Homilia Secunda. Ostenditur, Beatißimam Virginem inter omnes puras  
Creaturas primum, ac principem locum tenere in diuina prædestinatione,  
ex quo illibata eius Conceptio comprobatur, in illa verba: ...

[urn:nbn:de:hbz:466:1-51414](#)

& debeat, ipsa tamen stella maris esse prohibetur, unde licet, ut profundum mare me terreat, ut maris tamen stella me allicit, me dirigit, me illuminat, me irradiat, & nauigationem absq; procella fortunatissimam pollicetur. Evidem, vt Ru-

*Eusebius L.* pertus me docuit lib.3. in Ioannem: *Qui in Ioanne.* magno feruntur pelago, pauidi nauta, placidam sibi auram imprecati, fixa caelo sydera resplendunt, terra amissa tenent cælum, sedentesq; ad clauem, syderibus currunt, erratica vero sydera sequi fugiunt. Idem nobis, qui in seculum arcana Dei paræ Mariæ vastissimum mare ingressi sumus, agendum est; primò placidus nobis ille spiritus implorandus, de quo Psalmista: *Spiritus (inquit) tuus bonus deducet me in terram rectam;* deinde Sancti Doctores pia mente, ac vigilantibus oculis lustrandi sunt, qui tanquam Arcturi nusquam occidentis lucida sydera stabili fide semper fixi steterunt, & lucem fidei fundentes, erroris occasum nescierunt. Harrerorum vero stella erratica longè fugienda est; sunt enim (vt Apostolus ludas ait) *sydera errantia, quibus procella tenebrarum in eternum seruata est.* Quod si Apostolus Ioannes cap. II. suæ Apocalypsis narrat, cum visa fuit arca testamenti, facta suffle fulgura, & voces in eius honorem, æquū magis est, vt sacra illa, & animata arca

*D. Damase.* inspecta (vt Damasceni verbis vtar) miscantia laudum fulgura, variaq; eucomiorum voces infonen, atq; vitinam in tantâ Marris praconis, vt Pericles, qui ab Aristophane fulgurare, & tonare dictus est, nos radiantia encomiorum fulgura mittamus; quod si hac mittere non valemus, saltem instar auicularum in voculas prorumpamus. Hoc desiderio ardens sanctus Ephrem Diaconus ecclesie Edissene, dicebat Mariam alloquens: *Implo os mecum gratia dulcedinis tuae, illumina mentem, o gratia plena, o lingua meam, & labia ad laudes tibi alacri,* & leto animo canendas. hoc eodem flagrans desiderio nosler

*Apostolus.* *Apoc. II.* *ser. 2. de As-* *sumpt.* *charissimi amici nostri Martini* (quippe, *Martinus* amicorum omnia sunt communia) *aurea del Rio in carmina mihi vendicans:* *florida sua Angelici Regina chorii* dil. El. 2 tonantis *Mariana.*

*Filia, cui coniux, tu soror, & genitrix.*  
*Suscipe sed facili vultu, quo cuncta serenas,*  
*Sint licet hec meritis non satis ampla tuis.*

*Ingenio sunt apta meo, sunt parva necessitas,*  
*Grandescent genio (viffris) illa rivo.*

## HOMILIA II.

*Orenditur, Beatisimam Virginem inter omnes puras Creaturas primum, ac principem locum tenere in diuina*

A 3 prede-

prædestinatione, ex quo illibata eius  
Coceptio comprobatur in illa verba:  
Dominus posset me in initio via-  
rum suorum, antequam quidquam  
faceret a principio ab eterno orána-  
ta sum, & ex antiquis, antequam  
terra fieret, nondum erant abyssi, &  
ego iam concepta eram.

Propterea.

**I**N E M E R A T A E Virginis Deiparæ Mariae excellētissimam præ-destinationē, tametsi reliquorum sanctorū prædestinationi in eo persimilem fateamur, quod vitaq; æterna; & in neutra propria merita desideranda sint; cum omnimodā eius causam ex solo diuinā voluntatis beneplacito petendam esse senior Theologorum doctrina censeat, vt perelegant metaphora edocuit D. Paulus, qui de æterna illa electione sermonem iustiūens, de qua ipse: *elegit nos ante mundi constitutio-nem*; diuino quidem spiritu afflatus, sorte, illam vocavit: *sorte vocati sumus*: sicut in sortibus nulla habetur meritorum ratio erga illos, quibus foelix contingit fors: ita Deus neminem sanctorum propter ei⁹ merita prædestinavit, sed ob meram eius gratiam, & munificentiam. Quod & veteres illi Ethnici prædorassi mihi videtur, dum ingeniosè satis fingebant, singulos Deos pro insigni suo singulas infructificatas arbores sibi elegisse, quarum peculiarem curam gerebant: Iupiter elegit quer-cum, Apollo laurum, Neptunus ipinum, Venus myrtum, Iuno iunipeum. Huius eam singularis, & inopinata electionis nouitatem Minerua Dea admirata valde, scilicetabatur ab eis causam, ob quam arbores omnium in fructuosiōtes sibi elegi-sent: cui Di responderunt, ea propter id factum fuisse, vt arbores illae palam agno-scent, non ob carum merita, sed ex gra-tiā Deorum munere electas fuisse. Quæ-nam quæsto Saulo in fructuosiōtes arbor ex-cogitari potest, ad cuius umbram ludæi

Stephanum lapidarunt? quæ nociua ma-gis, quam Magdalena, quæ instat venge-  
Taxi Civitatem incidebat? quænam exten-panda magis, quam Dimas, Iacro, & via-torum deprehensor? has nihilominus in-fructiferas arbores consulto Deus sibi ele-git, vt eorum prædestinatione non ipsorum meritis, sed diuinæ misericordie adcri-beretur, vt disertis verbis dixit Apostolus:  
*Non ex operibus inßtitue que fecimus nos, Tit. 3.*  
*sed secundum misericordiam suam saluos nos fecit.* In eo tamen beatissima Virginis singularis electio, cuiuscunq; puræ crea-tura prædestinationem valde excelluit, & licet absque propriis meritis fuerit, prioritate tamen rationis, & dignitatis longo interuallo reliquias superauit. Quæ duo mirifice elucidant egregia illa Ecclesiasti-ci verba, quibus singularem quandam ex-citauit quæstionem dicensi: *Quare dies die Eccles. 38.*  
*superat, & iterum, lux lucem, & annus an-num à sole?* quasi dicat: Cum dies omnes sint velut filii, aut partus solis, vnde prouenit, quod dies hæc celebrior, & ho-noratior habeatur, quænam dies ferialis, cui nullus honor defertur? Certe huius dis-partatis causam minime dixerim ipsum Pa-trem, sc̄. solem: subiungit enim Eccles. Se-parati sunt facto sole, & præceptum custo-diente: nec etiam putauerim causam so-lem mouentis, & dies diuidentis imperi-  
tiam: continuo enim addit: *à Dominis sc̄. Ibid.*  
*tia separati sunt;* & per Dei sapientiam di-viduntur; quemadmodum enim annum partitus est altissimus in quatuor illa tem-pora, frigidam byzemē, floridum ver, ca-lidam astatem, & fructiferum autumnū; sic etiam, & Ecclesiastici anni festiuitates diuisit. *Ex immitius tempora,* *Ex dies fi-* Ibid.  
*los:* hoc est, quasdam voluit stabiliti pri-mæ Classis, alias secundæ, has celebres, il-las celebriores, quasdam celeberrimas: *Ex ibid.*  
*ex ipsi exaltabit, & in dignificabit Deus,* &  
*ex ipsi posuit in numero dierum.* Nec fit fa-tis quæstioni, si quis respondeat: Natale Domini (exempli gratia) tali die celebra-ti, quia palam in eo mundo apparuit; Re-surrectionis, quia tuac ad vitam reuocat⁹  
est;

Ephes. 1.

Ibid.

Ingeniosa  
fabula An-  
tiquorum.

¶.2.

est; Pentecostes, quia in eo descendit Spiritus sanctus in linguis igneis; id (inquit) nihil prouersus referit. Nam, quod Christi Nativitas, eius Resurreccio, & Spiritus S. missio illis potius diebus contingenter, quam aliis, certe id non merito dierum, sed diuinæ voluntatis electioni, & bene placito adscribendum est. Non dissimiliter hominibus accidit, qui licet (vt ait ibidem Ecclesiasticus) ex terra orti sint, non secus, quam dies à sole: *Et omnes homines de solo, & ex terra, unde creatus est Adam, nihilominus tamen quos Naturæ conditio æquales efficerat, duæ illæ prædestinationis, & reprobationis sortes absque propriis meritis impares, & inæquales reddiderunt: In multitudine Discipline Dominus separauit eos, & immutauit vias illorum; immutationem autem hanc subiicit, dum de reprobis ait: Ex ipsis maledixit, & humiliavit, de Prædestinationis vero: Ex ipsis benedixit, & exaltavit.* Inter hos ergo prædestinatos Christus Dominus, de quo D. Paulus: *Qui prædestinatus est Filius Dei in virtute, primum locum obtinet, ut indicant verba illa: In capite libri scriptum est de me: Secundum vero sanctissima eius Genitrix, quos diuina omnipotentia ad eo exaltare dignata est, ut ille ad diuinæ, & increatae filiationis celsitudinem, hæc ad Dei Matris culmen pertingeret, sicut enim decreuit Deus primum parentem Adamum generis humani Caput constitueret, eique sociam Euam adhibuit ex dormientis ipsius latere formatam; ita ad reparandum Genus humanum, &, ut in mundo esset caput alterius propagationis spiritualis, non ex sanguinibus, neque ex voluntate carnis, sed ex Deo, & eius diuino spiritu Christum prædestinavit: quem ob id Paulus secundum & nouum Adamum crebro appellat: ex cuius latere dormientis in Cruce eduxit hanc secundam Euam, id est, Matrem viuentium, per gratiam. Vnde sicut Eua secunda post Adam procreata fuit, ita & Maria immediate post Christum secundo loco prædestinata fuit. Ex quo Diu Augustini do-*

ctrinam fecutus, non immerito Christum Dominum, primam sabbathi Virginem verò secundam sabbathi dicemus; maxi me, quod prima sabbathi dies erat solis, seunda verò sabbathi dies luna, quæ Mariam designat, quam canit Ecclesia pulchram, vt Lunam: cum ergo Beatisima Virgo secunda fuerit post Christum, consequens sit primam fuisse prædestinatum inter puras creatureas; vt præter Rupert. 2. in pertum, & Galatinum nonnulli Patres Cant. docuerunt, præsertim D. Gregorius di- Galatin. cens: Mariam post Christum omnes trans- D. Greg. in scandere creatureas dignitate sua electio- lib. Reg. c. 1. nis: & S. Bernardinus Senensis B. Virgi- D. Bernar- nem alloquens, Tu (inquit,) ante omnem dinus serm. creaturam in mente Dei prædestinata fuisti. de Virg. sti, ut Deum ipsum, hominem procreares. cap. 4. Accedit Andreas Cretensis dicens: Hac Andr. Cre- est declaratio profundorum divinae incom- Assumpt. prehensibilitatis; hic est scopus, qui exco- gitatus est ante facula. Facit ad idem, quod refert Franciscus Venetus in Ar- Francise. monia Mundi; nimurum, inter reconditil Venetus in sima Hebræorum Arcana, illud celeber- Armo. Mū- ximum haberi, vnam apud Deum esse di Cant. 1. primam omnium creaturearum, quæ reli- to 3. c. 6. quatum omnium perfectiones cointeret, quam illi appellabant (Mitarron.) Hanc autem esse Matrem Melliae ex eo collige- bant, quod nomen (Maria) Hebraicæ cōstituit numerum ducentesimum nona- gesimum, quem eundem reddunt extre- ma literæ illarum vocum (Mitarron.) Ratio etiam idipsum confirmat: Nam, cū Deus decrevit filium suum ex Beata Vir- gine futurum esse hominem, consequens erat, nihil immediatus prædestinare, quam Matrem, ex cuius thalamo (quam sponsus processurus erat) hec enim fuit, quam preparauit Dominus filio Domini Genes. 24. mei, vt in figura eius prædictum fuit de Rebecca: Deinde, quia dignitas Matri Dei adeo precellens est, vt suo modo per- tineat ad ordinem vniuersis hypostaticæ naturæ humanæ cum Verbo domino, cum Maternitas hæc ita illam intrinsece respi- ciat, & ab ea depcedeat, vt omnino repu- gneret,

Ibid.

Ibid.

Ibid.

Rom. 1.

Psal. 39.

Gen. 2.

2. Cor. 15.

gnar, esse Matrem Dei vniione hypostatica deficiente: sicut, cū Mater Dei sit, quae magis accedit ad Christum, tam in esse naturæ, quam gratiæ, vt Scholasticorum Doctorum more loquar; non est, cur dubitemus, prædestinationem Virginis fuisse immediatam prædefinitione Christi: immo, cum Mater, & Filius relativa sint, mutuo se respiciant, non poterat præordinari filius, non præordinando simul & matrem. Tandem idem proclamat non pauca sacrae Scripturæ testimonia: In persona enim illius canit Ecclesia: *Ego ex ore Altissimi prodixi, primogenita ante omnem Creaturam.* & Sponsus ait: *Adolescentularum non est numerus, una est Columna mea, perfecta mea.* & Ecclesia inquit, Romana in *Elegit eam Deus, & preeligit eam;* quid officio Cō-autem est præeliger eam, nisi aetceptionis, nam eius electionem reliquorum omnium Sanctorum prædestinationem præcedere?

Sed pergo iam proposita Ecclesiastici verba, que idipsum mirifice illustrant, elucidare, ex quibus immaculata Virginis Conceptio nō parum corroborabitur: ait enim illa: *Dominus possedit me in inicio viarum suarum: Ab eterno ordinata sum, & ex antiquis, antequam terra fieret.* Non me latet, hunc locum varias substinet expositiones; nam D. Basilius contra Eunomium, Origenes in Periarchon, Tertullianus contra Placentinum, Iustinus Dia-  
logico contra Triphonem autumant, ibi lo-  
Tertull. lib. qui filium Dei, qui est sapientia Patris, ut con. Placen. terminat naturam diuinam, non vt ter-  
Iust. Dial. minat naturam humanam. sed D. Am-  
bon. Triphō. brosius lib. i. de fide refellit hanc exposi-  
Amb. de fide tionem, eo quod verbum illud: *Dominus*  
lib. i. c. 7. aperte illam excludere videatur: cū enim filius Dei, vt terminat naturam diuinam sub nullius possessione, & dominio fuerit, nee possit esse, nemo vnoquam illū posse-  
dit, vt Dominus. Verba Ambrosii sunt  
haec: *Si filius loqueretur ut Deus non dice-  
ret, Dominus, sed, Pater.* Alii Doctores Sal-  
manticenses arbitrantur in prædictis ver-  
bis sermonem non esse de sapientia Incar-  
nata, sed de sapientia absolutè, prout est directiva actionum, quæ quidem introducitur ibi per figuram, vt aiunt, prosopopæiam, qua solent Rethores munus personarum rebus inanimatis accommodare: Vnde, inquit, sensum germanum, illorum verborū esse sapientiam fuisse comitem individuum Dei in productione creaturarum, iuxta illud, quod infra subditur:

*Cum ipso eram curæ compenens, atq; adeo nihil se fecisse, nisi sapienter. Sed longe isti errant; non enim legerant Epiphaniū in Anchoretæ hæresi 67. assertatem, locum illum planè esse intelligendum de sapientia incarnata, & hanc expositionem esse magnorum Patrum, quod procul du-  
bio verissimum est. Nam illam tradunt imprimis Hieronymus super Epistola ad Hieron. su-  
Ephel. 2. dicens: in Hebreo non haberi: per epist. 14  
*Creavit me, sed, pessidū me: vitumq; tamē ad Ephes. 2.* verbum referendum esse ad Sapientiam incarnatam. Cyrill. Alexandrinus 5. The-  
sauri c. 4. & 8. ait: *Quarendum est; quis est,  
qui dixit: Dominus creavit me, & respon-  
det: Christus iam homo factus.* Damascenus lib. 4. cap. 19. Chrysostomus de san-  
cta, & mystica Trinitate, Nyssen. de fide ad Simplicianum. Hilarius 12. de Trinit. Am-  
bro. i. de fide. August. serm. 53. de verbis Domini, & i. de Trinit. cap 12. Nazianz. Nazianz.  
orat. 2. de filio. Athanasij. 3. contra Arianos D. Thomas. p. p. q. 41. art. 3. ad quar-  
tum. Idem habent Patres omnes sex & Synodi actione 6. tom. 4. & vniuersi etiam Patres Concilii Nicopolitanus secundi c. 13. & Iustinus Imperator in edito fidei misso ad Ioannem II. Papam, vbi adducit Basiliū id docentem lib. 4 contr. Eunomium; & ante omnes illos id docuit Clemens I. lib. i. Constitutionum Apostolicarum ca. 12. vbi hanc ait esse doctrinam Apostolorum; estq; valde contentanea Textui prædicta expositio, vt satis indicant verba illa: *Et dulicia mea est cum filiis hominum,* Prosa 8. quæ de sapientia incarnata debere intelligi tradunt communiter Expositores; & docuit Laurentius Iustinian. serm. de Eu-  
charist. quæ ideo ab initio, & ante secula ser. de Euch. creata*

*creata* dicitur, quia antequam Deus quidquam facere decrevisset, Verbi Incarnationem futuram dispositum adiutorij; *creata in initio viarum Dei*, quia fuit primum initium operum Dei ad extra, non in exequitione temporali, ut constat, sed in aeterna Dei praedefinitione. *Viarum etiam nomine*, opera Dei esse intelligenda satis indicat illud Isaiae 55. *sicut exaltati sunt iace li à terra, ita exaltantur via mea à viis vestris*, id est, opera mea ab operibus vestris; & illud Psalmi 144. *Iustus Dominus in omnibus viis suis*, quod statim magis exponens Regius Vates, subdit: *& sanctus in omnibus operibus suis*. Cum ergo sapientia Incarnata dicatur initium operum Dei, & id nequeat intelligi secundum exequitionem, necessarie est intelligendum secundum praedefinitionem aeternam.

**Ecclesia Romana in officio Cocept. & Na-**  
**tiv. B. Virg.** Verum etiam in sensu mystico propria verba aperte satis intelligi de sanctissima Deipara Maria, Ecclesia Catholicæ Romanae Authoritas nos docet, dum non semel ei illa accommodans Virginem introducit ea loquentem, quod non parum arbitror tantæ Virginis excellentiam commendare. nam quis queso non mirabitur, ut, quæ secundum sensum literalem de increata sapientia, aut Verbo incarnato intelliguntur, Beatae Virginis in sensu mystico facile adaptentur: Sane vestis magno Giganti apta, statura pusilli conguere minimè potest: cum ergo, quæ de infinita Dei sapientia dicuntur de Beata Virginе etiam verificantur; necesse est illam ex infinite filii iasinitam quandam dignitatem mutuasse, indeq; est, ut vtriq; (litter in diuerso sensu) verba illa planè conueniant. Et quidem in pium, ut iam nonnulla ex multis, quæ in illis delitescunt sacramenta, aperire exordiar, non absq; singulari mysterio Beatissimam Virginem dixisse teor: *Dominus possedit me*; & non, *Deus possedit me*; nam, cum in Conceptione Beatae Virginis Creator generis humani, tanquam absolutus Dominus nullo positivo iure adstrictus se gessisset,

*in vniuersali lege de contrahenda labe peccati originalis cum Beata Virgine dispensans*, ideo ad id significandum non verbum, *Deus*, sed *Dominus usurpauit*, *dicitur*: *Ibid.* *Dominus possedit me*. Aliud etiam sacramentum latet in hoc verbo, *Dominus, August. 14. s.* ad quod aperiendum obseruo cum Diuo *de Genes. ad Augustino*, quod Moyses quandiu locutus est de creatione Mundi; dum à sapientia Opifice formarentur elementa, & corpora cœlestia, & hæc Astrotum varietate, illa vegetabilium, piscium & animantium, diueritate locupletarentur, minimè Deum vocauit *Dominum*; sed hanc *Domini* nomenclaturam solū tribuere coepit, cum primum hominem in Paradiso collocauit: *Tulit ergo Dominus Deus hominem, & Genes. 2. posuit eum in Paradiso voluptatis cuius rationem eam putauerim esse, quod supremum eius dominium non in eo potissimum effulger, ut instar terrestrium dominorum, de quibus dicitur: *Reges gentium Luc. 1. dominantur eorum, ingentem famulorum multitudinem suo imperio subiiciat, sed in eo, qd Dominos ipse constitutus, ac Regna & dominia quibus ipsi liber distribuantur, iuxta illud: Per me Reges regnant: Vnde qd a Proph. 8. introducens Adamum in Paradiso, cum constituit Dominum illius, & animantia omnia suo dominio subiungavit; omnia Psal. 8. subiecti sub pedibus eius: ideo Moyses dicitur Deum Dominum appellare quo usq; Adamum Orbis Dominum constitutus: quia ergo mirum in modum magis perfulget supremum Dei dominium in eo, quod Beatissimam Virginem Angelorum Reginam, ac mundi Dominam, sibi subiectam habeat, quam quod super humnam, & Angelicam naturam dominetur; ideo ad id explicandum consului ipsa dixit: *Dominus possedit me*. hac enim ratione dominium illius mirum in modum commendauit. Alter etiam id ipsum explicate possumus, ut dixerit: *Dominus*, ad significandum Deum a principio sua conceptionis perfectum illius dominium habuisse, atque adeo per peccatum originale diabolico dominio nec per monachum subi-**

16

subiacuisse. Cum enim idem non possit à duobus dominis sub pfecto dominio possideri; vt habet l. si, vt certò. q. si duobus vehiculum, & ibi Glossa, & DD. ff. commodat, consequens est, quod cum Beata Virgo à principio sue Conceptionis sub Dei dominio exiterit, peccati originalis labe, qua sub Diaboli dominio animam constituit, omnino caruerit. sed & verbum possedit id ad amissum explicat. Porro possilio rei à proprietate, & dominio eius longè adeò distat, vt tritum sit Iurisclarum Axioma: *Possessione cum proprietate nihil est commune.* Vnde locator domus possessionem eius habet: è contra vero in mutuo penes patronum manet dominium, non possessione: Idem accidit non dissimiliter in rebus spiritualibus: Deus enim habet dominium, & proprietatem omnium Prædestinatiorum, vt non obscure indicant verba illa: *Neerapiet eas quisquam de manu mea.* Ceterum quando aliquis illorum incidit in peccatum mortale, Diabolus est, qui possessionem eius habet, licet Deus iure prædestinationis dominium & proprietatem. E contra verò Diabolus dominium, & proprietatem habet omnium reproborum. Ceterum, si quem eorum (vt saxe contingit) pœnitit de peccatis, & acquirit Dei gratiam, tunc Deus habet possessionem illius, licet Diabolus dominium. Hæc igitur est mira excellētia Beatissimæ Virginis super omnes prædestinatos, quod quamvis Deus eorum omnium semper dominium haberit, & proprietatem, non tamen semper possessionem, quia toto tempore, quo fuerunt labe peccati originalis infecti, Dæmon habuit eorum possessionem; Beatissima autem Virginis, quia nulla vñquā macula peccati infecta fuit, semper, & pro omni instanti Deus habuit dominium, proprietatem, & possessionem. Confirmat mirifice hanc expositionem, quod D. Hieronymus in epistola ad Cyprianum, hæc eadem verba explicans in sensu literali de increata sapientia, ait: *Possessio significat, quod semper filius in La-*

*tre, & Pater in filio fuerit:* igitur, eadem verba in sensu mylitico, de Beata Virgine accepta, licebit explicare, quod dum ait se possestam a Domino, talis possessio significet, quod semper filius in Matre, & Mater in filio fuerint in diuina acceptatione: nunquam igitur, nec per momentum fuit Deo ingrata, & iniusta, quæ gratiae, & vita Autorem paritura erat. Ad hoc ergo significandum, introducit Salomon immaculatam Virginem dicentem: *Dominus possedit me in initio viarum suarum,* ac si diceret: Deus non non solum perpetuum mei dominium, & proprietatem, sed & perpetuam & nunquam interruptam possessionem habuit, ita vt nec per momentum quidem sub alterius possessione, quām Cœatoris mei iacere me permisit. Certe Christus Dominus, licet tanquam supremus omnium Pastor, ouïū suarum etiam ab æterno curam gesserit, singularem tamen illam adhibuit in custodienda ab initio suæ Conceptionis hac mitissima oue, ne inter vngues diabolicas immanissimi lupi incideret, sciens, quod parvus error in principio (vt dixit Philosophus) maxim⁹ fieri solet in fine. Originale quidem peccatum, velut error in principio conceptionis humanæ fuit, vt ait David: *Erraverant ab utero,* potestq. *Psal. 57.* dici parv⁹ in comparatione peccati mortalis, quod grauius est: ille autem error ab Adam feme commissus, factus fuit magnus, dum in omnes nos late se diffudit: Nemo enim nostrum est, qui cum David lachrymans dicere non posset: *Errauissemus, quia perire.* Quia metaphora apte vñus est David, ad significandum quod quæ admodum iter faciente grege, si ouis, que præcedit, veritum locum ingrediatur, aliæ perplures oues eam iaceant solent: sic errantem Adamum, omnes nos instar ouïū errantium secuti sumus, vt predixit Isaías: *Omnis nos quasi oues erramus.* Ab hoc *Isai. 53.* tamen errore in principio conceptionis custodit Deus hanc purissimam ouem, ex qua nascitur⁹ erat *Agnus occisus ab origine mundi;* vt sic ab originali labe cā præser-

Ioan. 30.

D. Hier.  
epist. ad Cy-  
prianum.

seruans, aptam, & idoneam se exhiberet,  
 vt p̄fessuū tempore inuenta foret habēs  
 Matth. 1.  
 de Spiritu sancto; vt dixit D. Matthaeus.  
 Report. subdit deinde, *m. i n i s t o v i a r u m f u a r u m*.  
 Abb. h. i. in Rupertus Abbas nomine viarum intelli-  
 Thre ca. 16.  
 git omnes sanctos; D. vero Hieronymus,  
 D. Hier. c.  
 4. Micheas. Angelos, quia tam illi, quam illi precib⁹,  
 quas pro peccatoribus fundunt, viam illis  
 parant ad æternam felicitatem capessendam. Alii curiosè opinātur, nomine *via-  
 rum* denotari diuinas processiones Filii,  
 & Spiritus Sancti; Filius enim producitur  
 à Patre per viam intellectus, Spiritus san-  
 ctus per viam voluntatis, vt Theologi lo-  
 quuntur; cum ergo (inquit) Beata vir-  
 go dicit; possestam fuisse à Deo in initio  
 viarum suarū, significare voluit, ab æter-  
 nitate, in qua Filius, & Spiritus sanctus  
 fuere producti, ipsam esse prædilectionem  
 ad hoc, vt ab instanti suę concepcionis ita  
 possideretur à Deo per gratiam, vt nullus  
 patet aditus diabolice possessioni per  
 maculam originalem. Alii existimant,  
 sub nomine *viarum* significari omnia o-  
 pera Dei, iuxta illud Isaiae, *Sicut exaltan-  
 tur cœli à terra, sic exaltata sum via mea à  
 viis vestris*, id est, opera mea ab operibus  
 vestris; & illud Psalmi: *Iustus Dominus in  
 omnibus viis suis*, quod magis exponens  
 Regius Vates, continuo subiungit: *& san-  
 ctus in omnibus operibus suis*. Cum ergo  
 Beata Virgo, initium se gloriatur esse o-  
 perum Dei, & id nequeat intelligi secun-  
 dum exequutionem, consequens est in-  
 telligendum esse secundum prædefinitio-  
 nem æternam, quod & sequentia verba  
 aperte indicant: *ab ætero ordinata sum, &  
 ex antiquis*, vbi Hebreum origine ha-  
 bet: *principatum habui in viis illarum  
 tuorum operū*. sicut enim vexillifer anteit  
 omnem exercitum, sic in diuina prædesti-  
 natione Beata Virgo praeviuit ante omnes  
 sanctorum, & Angelorum exercitus. La-  
 ter etiam illud arcanum in verbo illo: *or-  
 dinata sum*: ait enim D. Augustus lib. 19. ad  
 Marcellinum, cap. 13. *Ordo est parvum, di-  
 sparuum q. rerum, sua cuiq. loca tribuens,  
 dispositio, proinde miseri in pace nō sunt,*  
 Matth. 1.  
 Psal. 14. 4.  
 Ibid.  
 Proph. 8.  
 Hebreo  
 10. 10.  
 D. Augustus.

tranquillitatis quidem ordine carent. Cū  
 ergo Beata Virgo ait: *ab ætero ordinata  
 sum*: supposuit in se fuisse partes inæqua-  
 les, ac dispare, animam scilicet, & cor-  
 pus, rationem superiorem, & appetitum  
 sensituum; has tamen partes ita bene in-  
 ter se dispositas, & sibi coherentes habui-  
 fe, vt neutra contra aliam vñquam con-  
 spirarit, nec enim corpus rebellionem té-  
 tauit aduersus animam, nec sensualis ap-  
 petitus ratione vñquam restitit. Tali qui-  
 dem ordine decebat Dei genitricem ordi-  
 natam fuisse, quæ regulatissimum (vt ita  
 dicam) *psum ordinem mundo*, ad illum  
 regulandum paritura erat. Illud autem,  
 quod ait: *ex antiquis*, non parum Beatae  
 Virginis commendat excellentiam: sicut enim  
 excellentes Pictores solent antiqua  
 exemplaria obseruare, vt ad eorum inspe-  
 ctionem, quæ pulchriora sunt, felientes,  
 pulcherrimam ipsi imaginem efforment:  
 ita Deus Angelos, ac veteres Patriarchas,  
 qui antiquitate temporis reliquos homi-  
 nes præcellunt, ab ætero conteiplans,  
 pulchriora ex eis selegit, vt in Beata Vir-  
 ginem omnia illa simul conferret, & pul-  
 cherrimam omnium imaginem illam ef-  
 fingeret. Vel certe, cum (facta Scriptura  
 id attestante) Deus trinus, & unus voce-  
 tur, *antiquus dierum*, non incongrue dice-  
 mus, per verba illa: *ex antiquis*; significari  
 singulas diuinæ Personas ex appropria-  
 tis sibi attributis singulares quafdam nul-  
 li creature in eo gradu vñquam commu-  
 nicandas perfectiones, Virgini liberaliter  
 donandas prædefinisse. Pater virtutem,  
 & potentiam ad generandum Deum; Fi-  
 lius, sapientiam, qua velut sapientissima  
 magistra instar Deboræ, qua Filiis Israel *Indic. 4.*  
 responsa dabat, ipsa præflet Ecclesiæ; Spi-  
 ritus sanctus feruentem adeo amorem, vt  
 ardenterissimos quoque Seraphinos longè  
 superaret. Ceterum non possum, nec de-  
 beo subtilem aliam D. Thomæ exppositio  
 nem in verba illa: *In initio viarum suarū, c. 4. lob.*  
 silentio præterire, vtpote, quæ mirum in  
 Proph. 8.

S. Thom. in  
B 2 nomi-

26

nomine viarum, apte posse intelligi viam misericordiae, & viam iustitiae, iuxta illud, quod cecinit David, *universa via Domini misericordia, & veritas; vi obseruandum est,* in primo loco posuisse misericordiam est, quia hæc adeo illi placet, ut ad illam exercendam opus non habeat extrinseco aliquo excitante; iustitia vero, ut illam exequatur, indiget irritante, & impellente: quia ergo misericordia præstante iustitiam, id est vocat illam, initium viarum suarum; unde cum Beata Virgo ait: *Domini pessidit me in initio viarum suarum,* significavit, Deum misericordia sua invenientem, non iustitiam, ab instanti sue Conceptionis illam possedisse; nam si iustitia, & non misericordia viri voluisset, non ab ipso, sed ab hoste peccati originalis à principio possideri incipisset. Ab hac autem pacifica possessione Beatam Virginem nunquam cecidisse, id satis perspicue ostendit, quod casus ille non poterat esse, nisi, vel quod Deus illam à se pelleret, vel quia ipsa voluntarie ab eius possessione se subtraheret; vel tandem, quia per vim, ac violentiam ab infestissimo humani generis hoste è manibus Dei rapetur. Constat autem, Deum neminem venientem ad se, vnaquam expulisse, ipso dicente: *cum, qui venit ad me, non eiciam foras;* nec Beatam Virginem iugum diuinae servitutis à te vincuam abiecisse, quæ semper humilem se Ancillam esse professa fuit: *Ecco Ancilla Domini;* nec tandem in Dœmonis prædam datum fuisse: Christo dicente: *Nec rapiet eas quisquam de manu m: 4.*

Denique subiungit, quod & predicta omnia confirmat: *Nondum erant abyssi,* & ego iam conceptus eram. Mirabile quidem est, quod cum Beata Virgo post quadruplex milia annorum supra creationem Mundi concepta fuerit, & antequam quodquam faceret à principio, dicat de se creatam ab æterno existisse, & antequam essent abyssi, conceptam: nam si ab æterno non erat, quomodo ab æterno concepsem dicit? Nec satis sit difficultati respondere:

do: fuisse conceptam ab æterno in mente diuina; id enim nullā præ se fert singularem Virginis laudem, cum creaturæ omnes, etiam infimi gradus, in diuina mente ab æterno conceptæ fuerint. Sane ad hoc elucidandum, ostendere oportet, qua speciali ratione dicatur B. Virginem præ ceteris aliis creaturis ab æterno fuisse conceptam: licet enim omnes creature sint eminenter in illo, immo, & quæ catent vita, in illo vitam habent, iuxta illud Ioann. *Quod factum est, in ipso viscerat,* *Ioan. 7.* super que verba D. Thomas ait: *creatura D. Thom. in Deo est creatrix essentia;* quia tamen in Deo sunt similitudines omnium creaturarum, quas, Idæas, Theologi vocant; quanto res representata per illas excellenter est, tanto, idæa perfectior indicatur. Vnde D. Tho. in qd. de veritate, q. vñica de idæis, art. 8. ad 2. ait: *Si autem accipias D. Thom. mus idam, pro similitudine, sic cum de quod de veritatem ait: consideratio Socratis, ut Socrates est, & ut homo est, respondebunt ei plures idæas, vel similitudines cum ergo Beata Virgo excellentissima sit inter omnes puras creature, consequens est, idam eius in mente diuina omnium aliarum esse perfectissimum.* Et ne à doctrina D. Thom. maxime discedamus, cum ipse in 1. sent. distin. *sent. dist. 16.* q. 2 doceat: idam esse essentiam diuinam, secundum quod est exemplum imitatum à creature, manifestum est, creaturam magis imitantem ipsum Deum nobiliorē, & excellentiorem idam in Deo habere. Vnde, cum Beata Virgo inter omnes puras creature exactius omnibus Creatorem imitata fuerit, evidens est, idam in mente diuina illam representantem, omnes alias longo intervallo antecedere. Ob excessum ergo, & præcellentiam huius perfectionis, speciali ratione sit Beata Virgo, sc. ab æterno fuisse conceptam.

Deinde, quamvis in Deo omnia æqualia, & sine ullo discrimine durationis fuerint ab æterno, in electione autem, & coordinatione illorum ad dignitatem, & finem suum, ad quem illa Deus creavit, & in do-

*nis*  
*quaest. 2.*

Psal. 24.

Prom. 8.

Iean. 6.

Luc. 1.

Iean. 10.

Prom. 8.

nis gratiarum, & prærogatiuarum, quas illis impartitus fuit, minime æqualia fuerunt. Cælum enim, & Terra æque ab æterno per Deum fuerant disposita, sed terrena humilitas, & ruditas cum cælesti excellētia, & pulchritudine qui conferri possunt: Angelus, & equus, Homo atque brutum sine prioris, & posterioris temporis differentia fuerunt in præcognitione, & diuino exemplari; sed quid est in bruti turpitudine, quod comparari possit cum angelica dignitate, & mentis humanæ aetate? Almam igitur Virginem, & reliqua omnia pariter in mente æterna fuisse fabricata, & conflata dico; sed quid est quæso ad illorum omnium electionem cum præordinatione, & excellēti fine, ad quem Maria electa fuit, & disposita? Quare ad Ephes. i. Apostolas scribit: *operatur omnia secundum consilium voluntatis sua.* Cælum enim, quod futurum esset locus felicium, & Beatorum, amplitudine quadam, & singulari elegantiæ illud perpoliri voluit: Terram autem hominum, & teliqorum viuentium domicilium arboribus, plantis, floribus variis, ac preciosissimis lapidibus vestiuit; hominem denique illius futurum dominum, & quem ad altiorem finem præelegerat, variis ad eum finem exornauit dotibus. Cum ergo Deus in donis, & diuinis charismatibus Matri sue conferendis non aliorum velle, sed solam sui ipsius voluntatem, quæ sibi carissimam illam habebat, confuleret, totam oppigneravit muneribus, ac tantis cumulauit virtutum ornamentis, ut inter puras omnes creaturas, nihil iucundius ipse contempnaretur, quam B. Virginem, præstantissimum omnium, quæ præconceperat, opus; ob hanc ergo præstantiam ait: *Ab æterno se ordinata sum, & antequam essent abyssi, & ego iam concepta eram?* Porro, in horum verborum elucidatione, restat explicare; quid nomine *Abyssi* hoc loco intelligatur: Celebris ille Archidiaconus, in cap. nonne 37. distinct. docet: *Abyssum* dici ab *A*, quod est sine, & *Bysus*, quod genus quoddam lini candidissimi significat: unde ait; idem esse *Abyssum*, quod sine *Byssu*, seu, sine candore: hoc supposito, apte quidem per *Abyssum* intelligitur peccatum, quod candore diuina gratiæ animam priuat, & nigram reddit, iuxta illud Hieremias: *Derigata est super carbones facies eorum:* Ne autem cui vanus videatur, nouiram aliquam redi: est hanc

*Ioan. Dam.  
orat de  
laud B.  
Virg.*

alios præcellere decernit, valde à longe principium eius præparare, ac disponere; quod probat Sampsonis exemplo, quem *Ind. 13.*

*Lue. i.*

non tantum ab incunabulis, sed ab utero materno sanctum præordinauit; & Ioannis etiam Baptis, quem in matre vi sceribus Spiritu sancto repleuit. In operibus etiam, & artificiis externis (experiens ipsa id comprobante) videmus, quanto excellentiora sunt, tanto longiore retro tempore incipi delineari, ac fabricari. De quatuor illis Pyramidibus Aegypti, *Plin. lib. 35.*

*cap. 12.*

quæ inter septem mundi mirabilia connumerantur, refert Plinius, earum fabricationem per nonaginta annos trecentis, & sexaginta millibus artificibus collaborantibus durasse: Et si, vt par est, D. Isidor. in doto credimus, Arcæ Noë constructio *Gloss super ca. 7. Gen.*

*3. Reg. 6.*

centum consumpsit annos; Templum etiam Salomonis (vt sacra Regum narrat historia) septem annis extactum fuit, cōcurrentibus ad eius fabricam (vt ex eodem lib. Regum colligitur) quinque centum sere millibus ædificatoribus: non secus B. Virgo, quæ inter Dei præstantissima miracula merito numeratur, quæ etiam veri Noë, Christi Domini, Arca futura erat; quæ tandem tamquam Dei incarnati templum viuum a Deo corporaliter erat inhabitandum, tot retro annis in mente diuina cœpit ædificari, vel, vt verius dicam, ibi non cœpit, ipsa dicente:

*Ab æterno ordinata sum, & nondum erant Proph. 8.*

*abyssi, & ego iam concepta eram?* Porro, in horum verborum elucidatione, restat explicare; quid nomine *Abyssi* hoc loco intelligatur: Celebris ille Archidiaconus, in cap. nonne 37. distinct. docet: *Abyssum* dici ab *A*, quod est sine, & *Bysus*, quod genus quoddam lini candidissimi significat: unde ait; idem esse *Abyssum*, quod sine *Byssu*, seu, sine candore: hoc supposito, apte quidem per *Abyssum* intelligitur peccatum, quod candore diuina gratiæ animam priuat, & nigram reddit, iuxta illud Hieremias: *Derigata est super carbones facies eorum:* Ne autem cui vanus videatur, nouiram aliquam redi: est hanc

*Archid. in  
c. nonne,  
37. d.*

*B 3 C 10*

Psal. 41.

D. Greg.

Exod. 15.

Proverb. 8.

expositionem, aduertat queſo, prius illam Davidem adhibuisse dicentem: *Abyssus abyssum inuocat*; id est, (vt D. Gregor. expōnit) *vnum peccatum ad aliud trahit*. Aliunt Iurisperiti, negatiū partem in cōtrouersiis difficultē admodum probatōnē; vnde hoc potissimum supereſt remedium, vt accusatus proberet, cum delictū ſibi imponitur, patrātū fuit, lōge ſe ab eo loeo tunc abfuſſe: non diſtilmiliſter in proposito, cum mōrē peccati originalis ex Adamo primo Parente ortū habuerit, omnibus eius filiis per naturālē propagationē ab ipſo defiſcēntibus, mōrē illa imputatur, tanquam prēuaricatorib⁹ in ipſo capite contentis; at B. Virgo apertissime probat, ſibi non imputandam eſſe mortem peccati, quia antequā eſſent abyssi originalis culpa, et iam in æternā permissionē, permittente omnes ab Adam naturali via propagatos infici, iam ipſa in mente Dei concepta, & in diuina voluntate prēordinata erat: atq; hinc eſt, quod licet in profundo illo abyſſo, ac proſluvio originalis peccati ſubmersi fuerint omnes ab Adamo progeniti, de quibus in fenū myſtico inteligi poſſunt verba illa Exodi: *Submersi ſunt in Maris rubro, abyssi operuerunt eos, deſcenderunt in profundum quāſi Ispū*: Beatissima vero Genetrix ex ſpeciali filii ſuſ beneficiō, in Conceptione ſua ſubmergi non potuit: ipſa dicente: *Nondum erant abyssi peccati originalis, & ego iam concepta eram in mente Dei, cui ſi honor, & gloria in ſecula ſeculorum. Amen.*

## HOMILIA III.

Prædeſtinatam fuifſe Beatam Virginem in Matrem Christi Domini, & coadiutricem illius ad redēptionē Generis humani; priſcorum Patrum monumentis ostenditur: ex quo immaclatam fuifſe eius Conceptionem non obſcure deprehendit.



**N T E R** alia pleraque, quibus diuina prouidentia humānam prudētissimorum quoq; Principum ſuperat, illud ſingulare eſt, quod iſti Principes, eſi officia ſubditis, non tamē ſufficientiam cōferunt, ſed illam ſupponunt: cum enim eligunt aliquem in iudicem cauſarum ciuilium, literatum, & in luce verſatū ſibi ſuſum habent: Et, cum quempiam in belli alicuius magni momenti generalem Ducem creant, prānoſcunt illum iam in arte milītari peritum: vnde, nec illi luris, nec iſli, artis militaris peritiam confeſerūt. Deus autem, cuius prouidentia in ſuſi diſfitione non fallitur, cum quempiam eligit ad munus aliquod obeundum, non ſolum officium, ſed, & idoneitatem, ac ſufficientiam ad illo fungendum ei confeſt, huic maiorem, illi minorem iuxta menſuram, & exigentiam officii, & dignitatis collata: Vnde D. Thomas ait: *Quos Deus d. Thom. ad aliquid eligit, ita preparat, & diſponit*, 3. p. q. 27. ut ad illud, ad quod eliguntur, inueniantur art. 4. idonei, iuxta illud Apoſtoli: *Idoneos nos fecit ministris noui Testamenti*: Sapiens enim regulator ea, quas ſunt ad aliquem finem, debet regulate ſecundum ordinem ipſius finis. Elegit Deus Ieremiam Prophetam, ut alios doceret: *Prophetam in Ierem. t. gentibus dedi te*: ipſe autem renuit, munus hoc ſufcipe, dicens: *Ecce, nescio loqui, Ibid. quia puer ego sum, tamen Dominus, cui contulit officium, dedit & ſufficientiam.* Ais, te puerum eſſe, atque adeò pauidum, & timidum? *Ne timeas à facie eorum, quia ego tecum sum*. Ais, te loquendi facundia penitus carere? Ego tangam labia tua, & infundam in eis dicendigratiam; *Et misit Ibid. Dominus manum suam, & te iugos meū*: Hæc in veteri lege. In noua autem vide-mus, Christum Dominum iuxta mare Galileæ quosdam pifcatores vocaſte ad Apoſtolatum, quod pifcandi animas munus erat, eis tamen ad id muneris obeundum, qua indigebant, ſufficientiam largē dedit,